## a Giovanna De Vita

## Quanno nascette Ninno

## Per la nascita di Gesù

A.M. DE' LIGUORI, Canzoniere alfonsiano,

Angri: Contieri, 1933. (rev. F. Spiga)

Alfonso Maria de' Liguori 1696 - 1787

arm. Francesco Spiga



Quanno nascette Ninno a Bettalemme era notte, e pareva miezo juorno.

Maje le stelle - lustre e belle se vedetteno accussì: 'a cchiù lucente jett'a chiammà li Magge a l'Urïente.

De pressa se scetajeno l'aucielle cantanno de 'na forma tutta nova.

Pe' 'nsi' 'e grille - co' li strille e zombanno a ccà e a llà; è nato, è nato, decevano, lu Dio che nc'à crïato.

No' nc'erano nemmice pe' la terra, la pecora pasciva co' [lu] lione; co' 'o crapette - se vedette 'o liupardo pazzïà; l'urz' e 'o vitiello e co' lu lupo 'n pace 'o pecoriello. Se rrevotaje 'nsomma tutt' 'o Munno, lu cielo, 'a terra, 'o mare, e tutt'i gente. chi dormeva - se senteva 'n piett' 'o core pazzià pe' la prïezza; e se sonnava pace e contentezza.

Guardavano le pecore 'e Pasturi, e 'n Angelo sbrennente cchiù d'o sole comparette - e le decette: no[n] ve spaventate no; contento e riso, la terra è arreventata Paraviso.

A buje è nato ogge a Bettalemme d' 'u Munno l'aspettato Sarvatore. Dint'i panni 'o trovarrite, nu potite - maje sgarrà, arravugliato, e dinto a lu Presebio cur[ë]cato.

© 2014 Francesco Spiga. Questo materiale può essere distribuito ed eseguito solo entro i termini e le condizioni indicati nella YELLOW OPENMUSIC LICENSE <a href="http://openmusic.linuxtag.org/yellow.html">http://openmusic.linuxtag.org/yellow.html</a>. Il riferimento deve essere citato in qualunque pubblicazione dell'opera, sia fisica sia elettronica. Sono proibiti gli usi commerciali senza la previa autorizzazione del titolare del diritto d'autore. Per contatti: <a href="francesco.spiga@istruzione.it">francesco.spiga@istruzione.it</a>.